

東蒙遊記 吳燾署檢



地 852
912

肖天

852

中國科學院
80 元

東蒙遊紀敘

余友嘉定馮保如君著東蒙遊紀凡十篇馮君著是紀在前清光緒丙午是時日俄戰役告終日勢驟張哲盟各旗日人轍跡殆遍於是東蒙一帶形勢漸佔重要時清政府命善者籌蒙善者迺躬歷東蒙將大有所布置厥後政策如何世莫之聞而馮君適以此時隨同遊歷調查所得入夜卽悉心鉤稽分類纂錄馮君性沈靜作事尙切實故是紀之作凡喀喇沁巴林烏珠穆沁土什業圖達爾罕所經各旗一切形勢制度戶口氣候物產錢法權酷禮俗道路詳載無遺然皆得之目驗或詢諸土著下至販夫騶卒要一字不敢爲鑿空之談則固馮君素志也吾國士習喜空論近且纂圖經者亦往往於實際上不加考核而高談大睨純爲放蕩無紀律之言詞作者可以勿陳讀

東蒙遊紀

敘

者亦無所取裁虛實之淆先淆於著述而影響及乎事實滋可慮也馮君此書簡明翔實掃盡虛誣舊習讀者持此於東蒙情形可以什得六七洵乎遊紀之正軌已抑自庫逆勾結強俄軒然大波迴環及乎瀚海南北東蒙壤地處處與直東犬牙相錯戰守均爲要點而吾國圖紀缺如策時之士何所據以爲參考之資馮君此書出吾知留心邊事者必有取乎斯編民國二年三月南匯顧次英

內蒙古東部調查日記

東蒙游紀一 自北京至古北口

嘉定馮誠求著

三月十八日午一點鐘由京起程出東直門。至明月店四點半開車。東北行三里至草局子。五里至瀾河。四里至八間房。四里至望京。二里至新店。十二里抵深河鎮。共行三十里。六點半宿劉家店。

深河鎮。大興縣鎮北四里有深河。源出沙河。下通通州。因是得名。駐防營教軍二哨。兵百名。東距匡家庄一里。距武衛溝三里。西距西店一里。南距馬圈營二里。鎮北有渠道碑一座。光緒九年太常寺卿宗室奕年。濬渠工竣。立碑以記念焉。

戶口百四十家。商舖二三十家。有鹽店糧食雜貨等舖。舊有當舖。燬於庚子匪亂。旅店五六家。約可住馬步兵各一營。砲兵二隊。集場一四八期。平色京市平。通行松江銀價每兩津錢二吊一百文。津錢二吊合制錢九百七十六文。錢串每吊九八制錢五百文。亦用站人銀元。每元市錢一吊五百文。鹽由長蘆運來。每斤津錢七十六文。斗口一二五。合清斛一斗二升五合。下仿此。

東蒙游紀

氣候等於北京。土質泥沙。水甜。道路平坦多沙。土產穀子高粱麥黍等類。木植有榆柳杞柳白骨松之屬。

十九日晨六點半由深河鎮起程。東北行一里至北店。三里至深河渡河。河有土木浮橋。夏間水發。橋沖。以船渡。若用於軍事。費時較大。六里至花梨坎。三里至蘇拉營。三里至鐵匠營。三里至枯柳樹。以上三處分駐教軍步兵百名。八里至大井窪。二里至三家店。一里至南圈。四里至白古莊。一里至姚圈。二里至武圈。一里至京圈。二里至姚古莊。八里抵牛欄山鎮。午餐。共行四十九里。時十一點半。

牛欄山俗名牛郎山。山在鎮北里許。嶺有山神廟。麓有烟戶數十家。俱鑿石爲生。白河迤邐而東。通天津鎮。長里許。隸順義縣。離城二十里。提標中營把總駐焉。步兵百名。有戶部稅局一所。巡警局一所。四眼井一口。道光十九年修。

戶口約四百家。商舖百餘家。旅店十餘家。約可住馬兵一營。步兵二營。砲兵一營。集場二四七九期。平色半蘇半廣。通行松江。每百兩比庫平大二錢。銀價每兩東錢六吊一百五十文。東錢一吊合津錢三百三十文。錢串九八。色不淨。攪私五分之一。

食長蘆鹽（由天津轉運）每斤津錢七十二文。斗口一八五。
氣候同前。土質石沙。水淡。道路平坦多沙。土產雜糧。

午一點由牛欄山鎮起程。北行渡白河支流（河深八十生特寬四十密達。上有土木橋。外渡船一隻）八里至鎮草。二里至施家屯（毗連謝家屯）三里至圈屯。二里至太平莊。二里至小新莊。三里至羅山鎮（有小市場）二里至羅山莊（路左側經羅山小石坡）十里至王古莊。六里至小河槽。八里至西大橋。二里抵密雲縣城。共行五十里。時六點半宿南關外。

密雲卽古檀州。縣城長方形（東西三里。南北稍窄）四門。東西南各一門。有小南門而無北門。中建鼓樓。東南隅有魁星閣。距黍谷山十八里。北距北山三里（上有應星塔）白河濬其西。潮河環其東南（源從口外白馬關）至縣境合流。蜿蜒至牛欄山而下。縣境東界懷柔。南界順義。西界平谷。北界灤平。通縣戶口七萬餘。地丁旂租居多。邑額不過千餘金。

駐知縣典史教官各一員。提標前營都司一員。駐防副都統一員。光緒二十六年。有淮軍

東蒙游紀

二營駐此。事後卽撤。有小學堂一所（係白檀書院改設）額三十名（現送十名至京考陸軍堂中祇存二十名）教習二員。監督以教官爲之。經費歲需二千餘金。有巡警局一所。馬步隊各二十六名（馬隊巡鄉。步隊巡城）有耶穌教堂一所。工藝局一所。粥廠一所。尚有留養局一所在城外。

城戶口二千餘家。商舖二百餘家（出錢票者二十餘家。城內設銀市。每日開盤一次）旅店十餘家（約可住馬兵二營。步兵一標。砲兵一營）集場逢單日（每月十五次）平色半蘇半廣。通行松江。銀價每兩東錢六吊七百文。錢串九七五。鹽價斗口同牛欄山。氣候同前。土質沙石。水甜便。道路沙石子。土產雜糧之外。縣產小棗。縣北八里地方產香椿。西北三十里地方名大石峪。產糖梨。西南七八十里。產柿栗核桃之類。

二十日晨六點。由密雲起程。東北行。二里至林家莊。六里至沙峪溝。三里至石嶺（以上兩處係阿沙道）八里至程家峪（有旅店十餘家。可住馬兵一標。步兵四五營。砲兵二營）三里至南省莊。三里至小營。四里至朝都莊。五里至黃土嶺。七里至陳古莊。四里至山南口。五里抵石匣鎮。午餐。共行五十里。時十二點。

石匣亦有城。方形四門。北門外里許。有烽火墩。縣密雲縣。駐縣丞一員。提標前營游擊一員。現駐毅軍步兵三隊。本城巡警軍五十名。鎮北六里。有戶部稅局一所。戶口八百餘家。商舖四五十家。（出錢票者十餘家）旅店十餘家。（約可住馬步各一營。砲兵二隊）集場二七期。平色廣平。通行松江。（每百兩。比庫平大一錢）銀價每兩東錢六吊六百文。錢串九七五。鹽價每斤津錢六十八文。斗口一七五。氣候同前。土質沙石。間有軟泥。水甜遠。道路沙石子。宗教回漢各半。土產高粱小米芝麻黑豆黃豆栗子花生秋梨糖梨等類。鎮東東陵岡產鹿茸。西岡產檉子尤多。午後二點。由石匣起程。東北行。八里至芹菜嶺。二里至郵亭。五里至白河灣。五里至新開嶺。三里至大新開嶺。三里至老鴉甸子。二里至稻黃店。二里至南天門。十里抵古北口。（以上各道皆高低連山路。然隊伍能通行。在南天門古北口間。五里適中之處。渡潮河。河寬尋常約七十密達。有水約二華里。上有土木橋）共行四十里。時六點。宿北關。古北口羣山環拱。長城繞之。為蒙古入關要道。東為萬壽山。西為柳林山。南為南山。北為北山。有大資河一道。直達白河。駐理事同知一員。（屬理藩院）密雲巡檢一員。綠營駐

東蒙游紀

提標中營參將。左右營游擊。城守營都司。各一員。守備二員。（有署）千總八員。把總十六員。（無署）兵裁存五百餘名。新挑練勇二隊。百二十名。防營駐毅軍二營。六成隊一千名。旗兵駐巡警軍四隊。百八十名。器械老毛瑟步槍。小口徑毛瑟步槍。來復槍等。綠防各營。俱歸直隸提督管轄。現駐平泉州。（土名八溝。離口四百里）有蒙養學堂二所。額各十五名。教習各一員。有蠶桑局一所。（設己五六年）稅局一所。電報局一所。戶口二千一百餘家。（潮河東六百餘家。河西一千五百家。內旗戶二百家。回民一千五百家）居民向以吃糧為生。近年屢次裁汰。頗形窘困。商舖四五十家。（出錢票者八九家）旅店大小共十七家。（約可住馬隊二營。步隊一標。砲隊二營）集場不拘期限。平色廣平。行使松江排子等銀。銀價每兩東錢六吊五百文。錢串九七五。鹽價同石匣。斗口一八五。

氣候口內同北京。口外較北京微寒。土質石水甜便。道路石沙。土產高粱黍豆稻米黃白。絲蜂蜜等類。

（東蒙游紀一完）

內蒙古東部調查日記

嘉定馮誠求著

東蒙游紀二 自古北口至熱河

三月二十一日晨五點半。由古北口起程。出北關。東北行。邊牆多傾圮。六里至二寨。二里至巴克什營。(有行宮一所。康熙四十九年建。駐內務府千總一員。兵四十名。)由口赴喇嘛廟。(即小庫倫)在此向左分道。(二寨及巴克什營。駐毅軍步兵一隊。)二里至黃土梁。三里至麻地。二里至花樓溝。五里至狼窩。五里至古城川。(有蒙學堂一所)五里至偏橋。八里至土城子。二里至兩間房。有行宮。(康熙四十一年建。有小橋跨山盤折而東。高出林杪者。曰帳遠亭。駐內務府千總一員。兵四十名。現毅軍設馬撥五名。傳遞文件。)過兩間房。有房屋十餘家。(舊有店舖被水冲陷)五里抵三間房。午餐。共行四十五里。時十一點半。三間房隸灤平縣。東虎頭山。南黑溝南山。西混同山。西南牛道子山。西北澄溪山。北行房北山。

戶口百餘家。集場無。平色半蘇半廣。通行松江。銀價每兩東錢六吊六百文。錢串每吊九八制錢三百三十文。(土名清錢)私錢六百六十文。(土名毛錢)銅元每元合清錢

東蒙游紀

二十文。毛錢四十文。食口外青鹽。每斤毛錢二百文。斗口一八五。土產高粱黍麥小米玉米黑豆黃豆秋梨糖梨之類。

午一點。由三間房起程。東北行。七里至新房。三里至色樹溝。八里至青石嶺。(路峻而長。石產黝黑淺碧深綠等色。質鬆而輕。若以化學分之。疑有金類非金類在內)二里至南北馬圈子。五里至黃土梁山。(自青石嶺至黃土梁。俱山路。頗不便車輛)五里抵常山峪。宿焉。共行三十里。時四點餘。

常山峪亦隸灤平縣。峪分東西。中有行宮。(康熙五十九年建)正殿五楹。舊殿曰蔚藻堂。現祇佛樓尙蔽風雨。有翠風埭綠樾徑。楓香坂凌霞亭。諸勝蹟。自亭南望千層被。(即東陵後山)偏東三十度。又望駱駝峯。偏東四十九度。北望黑山嘴。偏西八十八度。又望西山。偏西九度。(駐內務府千總一員。兵四十名)

戶口七十餘家。商舖十餘家。旅店八家。(約可住步兵百名)集場無。平色半蘇半廣。通行松江。銀價每兩津錢四吊六百文。錢串九八。毛錢之外。尙有鵝眼魚眼等名。食口外青鹽。每斤毛錢三百二十文。(鹽由豐甯運來。歷上外溝子豐甯灤平等稅。每百斤應納津

錢四吊文。故鹽價甚昂。斗口一八五。土產黍豆絲蜜之類。

二十二日晨七點。自常山峪起程。東北行。四里至鐵家營。四里至安子嶺。四里至蕨菜溝。四里至三道梁。有初等小學堂一所。教軍設馬撥五名。十里至靳家溝。五里至羊草溝。以上兩處俱山路沙石子。五里抵王家營。午餐。共行三十六里。時十一鐘。

王家營隸灤平縣。有行宮一所。康熙四十三年建。駐內務府千總一員。兵四十名。宮殿舊有一百七八十間。現祇存二三十間。西距鞍匠屯。北距金勾屯。各七十里。

戶口四五十家。偏東為旗屯。商舖祇三家。集場無。平色半蘇半廣。通行松江。銀價每兩津錢四吊五百文。錢串九八毛錢。有二路三路之別。銅元每元四十文。食永平鹽。每斤毛錢二百二十四文。蒙鹽因路稅太重。故不販運。斗口一八五。

土產蜂蜜。白絲柴。鹿山狐。高粱。麥子。小米。黑豆。黃豆。小綠豆。高粱每畝歲收約八斗。豆五斗。山坡減收五分之一。附近有金鑛三處。一在金廠溝。離縣三十里。一在北八道河子。離縣五六十里。一在西八道河子。離縣約二百里。金苗甚旺。

午二點。由王家營起程。東北行。三里至三棵樹。三里至紅石岩。小路石。十二里至章家

東 蒙 游 紀

峪。四里至黃家店。二里至蕭家峪。二里至八里庄。八里抵灤平縣。宿焉。共行三十四里。時五點半。

灤平縣無城。舊蒙地。名喀喇河屯。喀喇蒙語。譯言黑也。雍正十一年設承德州。乾隆七年設喀喇河屯廳。四十三年改縣。屬承德府。縣境東西相距四百餘里。南北二百餘里。東至府治四十里。至行宮。西至獨石廳界四百餘里。南至密雲縣界一百三十餘里。北至豐甯縣界一百三十里。計三百餘村。八十六牌。六萬餘丁。地丁一千六百餘兩。尚有庄頭。鷹手。楊木等賦。輸至內務府。庄頭。即圈地。供內苑及祭品用。鷹手。供獵用。楊木。供營造用。

陋規。詢之馬圈子之士人。云縣屬八十六牌。每年差徭。有窖冰。修灤河橋。軍營用草等費。按畝攤捐。就馬圈子一牌而論。共八十餘家。約攤津錢八十吊。又詢章家峪土人云。前項各捐。有田五六十畝之戶。歲約攤津錢十吊。新設學堂。有子弟一名入學。一年分兩次繳費。每次交米一石六斗。每月交菜錢六百。其餘無子弟入學之戶。大牌攤捐津錢六十吊。小牌三十吊。

縣治四面亂山。俱不知名。北望雙塔山。偏東八十三度。南望東陵後山。偏東二度。灤河橫貫東西。源有二處。一由豐甯多倫廳。一由圍場伊遜河。（俗名羊腸河）至此合流。東流至金勾屯。舊多水患。縣署毀於水。至今未建。河南有行宮。河北有灤陽別墅。皆巡幸駐蹕之所。駐千總一員。兵四十名。

縣旗蒙雜處。故知縣係理事通判兼管。（有護兵四名）巡檢二員。一駐縣兼典史。一駐鞍匠屯。（離縣百餘里）綠營駐河屯協左營千總一員。兵八名。現管巡警軍六名。駐練軍步隊三十五名。（器械老毛瑟步槍）旅員駐協領一員。藍翎協一員。佐領三員。防禦驍騎校各四員。兵四百四十名。有小學堂一所。額高等蒙養各三十名。教習二員。此外尚有鄉學九處。教堂三處。俱在鄉間。有稅局一所。以斗稅爲大宗。與南省米捐相類。戶口一千五百餘家。商舖二三十家。旅店大小八家。（約可住馬隊砲隊各一營。步隊二營）集場無。平色半蘇半廣。通行松江。銀價每兩津錢四吊六百文。錢串九八毛錢。食永平鹽。每斤毛錢二百四十文。（青鹽亦因路稅過重。商不能販）土產絲。鹿。蘋果。秋梨。糖。梨。紅果。葡萄。藥材。黃芩。防風。赤芍。蒼朮。之類。水便。道路沙。

東蒙游紀

三

二十三日晨七點半。由灤平起程。東行。渡灤河。（即古濡水。河流湍激。水挾泥沙。中間沙渚。高於河身。故夏汛多橫溢患。河寬。冬春時一百密達。夏秋時一千五百密達）有土木橋一座。（長一百密達。寬二百五十生特。冬春用橋。夏秋用渡）五里至平台子。三里至營子。四里至茶棚村。（面雙塔山。山頂兩石人立如塔狀）二里至團票。四里至大堡村。二里至三岔山口。二里至杜家店。三里至下店子。及上店子。（兩店毗連。自平台子至上店子各處。居民至多。不過四十戶）三里至廣仁嶺。（係灤平縣與承德府境交界處。有仁嶺牌。康熙五十七年立）石壁鐫有西藏文字。（譯言唵嘛呢叭彌吽。光緒三十二年春。喇嘛所鑿）嶺有關帝廟。廟前有御碑亭。（乾隆癸巳年御筆）車道繞之而過。下嶺有喇嘛廟。一里至雙井。二里至高廟。（河屯協右營守備駐此。由此至街市附近。皆綠營兵房）四里至考棚。三里抵熱河行宮門。共行四十里。時十一點半。宿寶元店。

熱河古武烈水。合三藏水。至溫泉會流。始名熱河。即承德府治。無城。乾隆四十三年。升熱河廳爲承德府。轄四縣。（灤平、豐甯、建昌、赤峯）一州。（平泉）一廳。（圍場）熱河廳境。改爲承德府境。如直隸州制。府治舊爲喀喇沁右旗境。國初該旗貢與國家。爲臨幸駐

蹕之所。府境東西一百三十三里。南北有尖帽山至中關一百十八里。踰豐甯縣境一百十三里。又入府境坡賴村至石片子四十里。實隸府本境共二百五十八里。東界平泉州一百二十里。西界灤平縣十三里。南界遵化州一百五十八里。北界豐甯縣六十里。地丁計旗地八百五十頃八十四畝零。徵銀三百九十四兩餘。民地一千九百九十九頃三十二畝零。徵銀三千八百四十九兩餘。現地漸闢。實徵銀五千餘兩。

府治山水雄奇。正西廣仁嶺。前爲鹿意子溝。西南慢頭山。正南沙子梁。東南僧冠峯。俗名僧冠帽山。又半壁山。上有魁星閣。正東羅漢峯。東北蝦蟆山。又磬鍾峯。北爲後山。府治依之。自後山南望半壁山。魁星閣。偏東二十三度。北望蝦蟆山。偏東七十四度。又磬鍾峯。偏東六十九度。

駐兵備道一員。知府一員。府經歷司獄教授各一員。俱轄於都統。道署內有交涉局。關東來購牛羊者多輻輳。故設以經理焉。綠營駐河屯協副將一員。左營都司右營守備各一員。兵百名。防營駐強勝營兵五百名。練總營兵二十名。捕盜練總。俱司緝捕。鑾道署。旂營駐都統一員。理刑司官三員。筆帖式二員。協領五員。一員轄灤平。而仍駐府。

東蒙游紀

四

治。佐領二十員。甲兵二千戶。器械老來復槍及抬槍等。內有都衛馬隊四十名。步隊六十名。器械毛瑟步槍及小口徑毛瑟步槍。行宮外周設堆子四十九處。馬甲二百名。行宮內駐內務府苑丞一員。堂苑副一員。苑副七員。額兵一千名。分轄宮內外各喇嘛廟。

有電報局一所。係天津分局。光緒三十一年。喀喇沁王曾請北洋。由熱河添設電桿。通王府一帶。業經北洋派員測量。後被松統制壽以蒙王逕請北洋。從中阻止。有郵政局一所。有中學堂一所。二十九年以振秀書院改設。學額正四十名。不收學費。副四十名。月收費三金。因之學額不足。監督文案各一員。教習五員。歲費五千金。由都統籌撥。有師範學堂一所。額二百名。尙未開辦。武備學堂一所。學生百名。由旗籍選撥。已設六個月。有軍械局一所。存儲本處軍隊彈藥。兼修器械。有工藝局習藝所各一處。皆初立。習藝所係三十一年十一月間。以粥廠改設。歲費四千三百二十金。總理一員。委員三員。廠中祇織布木機九架。四架尙未成。兼織布帶。有罪人八名。小孩十餘名。在內習藝。有巡警總分局各一所。分理地面尋常事件。兵未設。巡警學堂一所。由八旗內務

府民人內挑選。學生百名。學員二十員。擬四月初十開學。經費由糧食捐項下開支。粗糧每斗抽錢十文。細糧二十文。穀子五文。歲約雜糧十萬担。尙有木捐車捐船捐。俟奏准後開辦。府屬已開鑛產。有泰豐平遠承平等公司。俱在鄉間。

戶口旂戶二千家。民戶二千二百家。回民一千零七十家。商舖六七百家。（內有錢舖十八家。出票者八九家。錢票約有三四十萬吊。兌付毛錢。月利七八厘不等。）旅店六十二家。小十五家。（約可住馬隊一千五百名。步隊二千名。砲隊一標。）集場不拘期。平色半蘇半廣。通行松江。每百兩比庫平小八錢四分。銀價每兩津錢三吊五百四十五文。錢串九八毛錢。銅元每元毛錢十五文。銀市貿易甚盛。每日早晚開盤二次。惜不知匯兌。與各處往來均用現銀。由鏢車載運頗不便。食永平鹽。每斤毛錢一百十二文。青鹽一百二十文。青鹽由喇嘛廟哈噠（卽赤峯）等處販來。其販價每斗津錢四吊。計重四十八斤。加落地捐錢每斗四百文。斗用五十文。居民向食青鹽。近因永平鹽充斥。蒙鹽滯銷。永平鹽由灤河運來。歸直隸督銷局承辦。分四處銷售。熱河爲總處。由各行商代銷。約商販六七十家。歲銷二十萬斤。灤平下坂城柳溝三處爲分處。約銷二三十萬斤左右。斗口一七五。

東蒙游紀

五

氣候較寒於北京。土質沙石。水便。道路河灘多沙石子。土產雜糧。櫻毛（鬚毛二項。洋商設行收買）紅菜。蘋果。榛子。杏仁。葡萄。絲。蜜。棉花。煙葉。鴛粟等類。

內蒙古東部調查日記

嘉定馮誠求著

東蒙游紀二 自熱河至喀喇沁王府

三月二十九日午十二點。由熱河起程。出南大壩。東北行。繞行宮。八里至獅子溝。（距溝里許。有獅子嶺。嶺勢奇偉。如狻猊。頰聽帖。依蓮座狀。凡普陀宗乘諸巨刹。俱建此。下爲獅子園。俗呼獅子溝街。有閑閱市廛。多旗戶。有旅店已閉。）二里至蒙古營。（毗連二道河子庄）五里至小三道河子庄。（右側有小路。越村後山凹。可通平泉州。亦可至大雙峯寺。較大路近五里。惟車行不通。）五里至大三道河子庄。五里至大雙峯寺。一里至小雙峯寺。十里至碾子溝。三里至李家營。二里至東荒子坎。二里至西荒子坎。一里至黃土坎。有行宮。（康熙五十六年建。駐內務府兵四十名。宮北有賽音河。匯入固都爾河。）三里至觀音塔。（山石聳立如塔狀。）五里至高寺台。宿。共行五十二里。時五點半。

高寺台疑卽鄂郭蘇台。有廣濟寺故名。類臨武烈水。而象鼻子山。（山勢橢長如象鼻。）西通豐甯。東通平泉。隸承德府。都標設馬撥三名。

戶口二十家。旅店大二家。小一家。（約可住馬步兵各二隊。砲兵一隊。）商舖集場無。平

東蒙游紀

色銀價錢串。均隨熱河。青鹽與永平鹽並銷。永鹽由熱河來。每斤一百十二文。青鹽由頭溝駝運。每斤一百四十文。斗口二十。（合清斛二斗。）

氣候等於熱河。道路平坦。泥沙近台多。石子水便。土產四鄉多種麥黍。或菽。沮洳種稻米。閒植蔬菜及山芋。山閒樹樛頗多。故薪炭較賤。（每斤制錢一文。貴至三文。）炭有黑白二種。白炭津商來收。用以化銀。黑炭祇供日用。觀音塔左近。地多不耕。散牧牛羊。出口貨以藥材爲大宗。牛羊皮次之。（亦津商來收。）藥材如黃芩。防風。荊芥。柴胡。赤白芍。遠志。苦參。透骨草。益母草。桔梗。車前子。黑白丑。黨參。兔絲子。郁李仁。山楂。麻黃。枸杞等。四鄉客商。運至祁州發賣。亦有熱河京津各商來山溝收買者。

民地納賦於府。畝約百文。而差徭等費倍之。旗租向納苑丞。現熱河總管既裁。一切利權。均握諸都統。民間歲納二百四十文。至百四十文不等。或納本色一斗或二斗。民人種旗地。先付押租。每頃百吊至五十吊不等。均視地之肥瘠爲差。

近時舉行新政。特設酒捐（每斤十六文）、車捐（每輛百文）、斗稅（每斗六文）等名目。均納求治局。學堂創辦。則按戶勸捐。一兩至五兩不等。徵示通衢。而胥吏藉此舞弊。

驅逐四鄉學究。以爲勒索地步。

陋規則於賦額外。歲由鄉約（高寺台、五牌爲一鄉）牌頭歛錢納州縣。謂之皇差。名目甚繁。如新官下馬。有點卯費。每年春秋兩季。有點卯費。除道供張。則爲公館費。防禦盜賊。則爲射手費。歲約徵租賦三分之一。二遇有特別差徭及命盜訟案。吏役下鄉需索無定額。先勒鄉約墊付。事後均按畝攤諸民間。

三十日晨七點。由高寺台起程。東北行。二里至中關汛營房（有河屯協中關汛把總署一所）三里至前中關。三里至高梁杆店。五里至燒鍋營子。入茅溝川溝（大路左側。有路入鷹窩川溝。小路通西園場）五里至趙家灣（有峯嶺然。洞穴嵌空。名玲瓏峯。俗呼喇嘛洞）五里至黃土梁。三里至臭水坑。二里至齊家營。二里至何家營。三里至鄭家柞子。三里抵岡子。午餐。共行三十六里。時十一點。

前中關右側有孤山。承平銀鑛前以機器開採。現停止。毗連石洞川溝內爲後中關（有大路通西園場）舊有行宮。駐內務府千總一員。兵四十名。岡子戶口五十餘家。商舖四五家。旅店四家。

東蒙游紀

自黃土梁至岡子及毗連茅溝處。均產稻米。收數最優時。畝可得一石五斗。

午一點。由岡子起程。東北行。八里至鷹手營東溝。四里至四泉地溝（小路通平泉）三里至五泉地溝。三里至兩家（西南里餘。爲六泉地溝。小路通豐甯。有旅店一家）六里至龐家溝。三里至楊樹林（該處上下十餘里。地勢平行。沙石縱橫。鞠爲茂草。土人謂昔皆膏腴。被水冲陷者）六里至三十家子（村後羣山夾列。澗多浮橋。迤邐溯茅溝而上。略有山道。同治七年重修。尙不崎嶇）五里至來德溝。三里至劉家溝。四里至兩鋪坑（俗呼兩不肯）爲承德平泉交界處。六里抵茅溝七家。入喀喇沁右翼境。共行五十一里。時六點。宿王府田庄。

龐家溝毗連小龐家溝。對面山坡。承平銀鑛公司設場開採。右側溫泉溝。有小路通平泉。楊樹林銀鑛。承平公司設爐鎔化。總局對面。濬渠淘沙。駐有承德義威營步兵二十名。護局器械毛瑟槍。

承平銀鑛公司。爲前侍郎張燕謀翼糾股開辦。礦砂採龐家溝。成色僅得四分之一。雁平砂略贏。可得八十分之一。惟以土法開挖。出數不旺。礦丁跌坐淘沙。沙淨始入爐融化。

液流成鉛。由鉛提銀。工炭均費。尚有孤山子一鎮。曾以洋法開採。因礦產漸薄。中廢。尚留機器二架。舊歲共收毛銀三萬金。月費五百金。局耗甚鉅。略舉一隅。以見大概。計銀重二百十五兩四錢。淨存一百三十四兩三錢八分。列式如左。

銀重	二一五四〇
去	八六二
合	二〇六七八
局抽	五七〇
把批	一五五〇八
再除	一五五
火耗	四四七
傢具	七二
廢費	三四三八
淨存	
重	

三十家子。戶口二百家。(旗民各半) 旅店二家。駐河屯協。茅溝汛把總一員。都標馬隊中營兩隊。器械小口徑毛瑟步槍。

七家隸平泉州。面驚背山。(四面皆崇山峻嶺。土人都不知名) 戶口百餘家。商舖四五家。旅店一家。集場無平色半蘇半廣。通行松江。銀價每兩毛錢三吊六百六十文。錢串九

東蒙游紀

二串。二混三路錢。青鹽每斤一百四十文。(以十六兩為一斤) 近自頭溝販入。遠自赤峯運來。斗口二十二。(合清斛二斗二升)

七家居民。大半為王府佃戶。納租與旗租相類。有蒙人領地自種者。有受地於府。轉租漢民。先收押租。歲收租籽者。有雇人自種。歲給工值者。有租給民人。收其歲入之半者。有轉輾典押。原蒙不復過問者。積步畝以二百四十步為率。其山坡之地。蒙人不諳算法。以一牛每日所耕之地為一段。亦不詳畝數。

氣候較熱。河微寒。自清明至穀雨間。地始解凍。間有過穀雨者。自白露至寒露。為收穫期。如遇早寒。收成遂歉。道路平坦。黃土軟沙。水便。土產雜糧外。以藥材為大宗。除見上不贅外。有黃柏。貫仲。升麻。牛蒡子。蒼朮。五味子。天仙子。罌粟。芫菁。玉竹。黃精。桃仁。蒲公英。紫地丁。連翹。羌活。獨活。淮骨。麥芽。藜蘆。苦丁香等類。煙葉自種自吸。為粟出產尚富。土人頗嗜此。價每百兩。值三十兩左右。

四月初一日晨七點。由七家起程。東北行。一里至河東。七里至二道河。(南有河一道。名一里東大河。下通熱河) 一里至黃土梁。(北去里許。為湯河山。有溫泉。村民砌石池。以供沐

浴男女分左右不取值。三里至過河口。一里至東茅溝。四里至鄭家溝。三里至大廟。有旅店一家。午餐。共行二十里。時九點。

大廟。縣平泉州。一鄉計五牌。戶口約三百餘家。自七家至大廟。路均平坦。土產以黍稷粟麥爲大宗。河東至大廟。產稻米。惟綠豆畏寒不生。蔬菜因工費不藝。間有葱蒜菠非之類。均肥美。并產百合山藥。山藥形圓。卽土豆子。土人名爲山藥。與他處山藥異。果樹不知接種之法。而天然生長頗茂盛。有酸棗山杏山頂子。色紅如頂。形小味酸。等類。杏樹彌山遍野。土人斫以爲薪。杏仁則搗以爲油。又老蘇油以蘇子爲之。大麻油以麻實爲之。價值均賤。以代香油。

午十一點。由大廟起程。東北行。四里至西茅溝。茅溝一名玳瑁溝。三里至羊草溝。有旅店一家。二里至羊草溝門。八里至三道溝。二里至壩底。戶口八十家。旅店一家。居人製粗笨車輛。爲旅人拉纜上山。自大廟至壩底。道路石子沙。水微。柴草便。二里登茅荆壩。八里至壩頂。二里至山下。有旅店一家。都標練軍駐馬。橫五名。四里至叉路。右側小路通西園場。四里至駱駝山子。有石當道。如駱臥地形。五里至三道溝。五里至四道溝。

東蒙游紀

四

溝。五里至喀喇庄。一里至小六道溝。五里至大六道溝。五里抵新店。共行六十五里。宿永慶雜貨舖。時六點。

茅荆壩。卽默沁達巴罕。自壩底盤旋而上。度連陰寨。秋冬積雪不消。過天橋。卽石梁。一名閻王鼻。陟臨瀾澗。至壩頂。計盤道約八里。高三十五度。實高一千五百生特。山道寬二生特。五十密達至四生特。各種隊伍。俱能通行。惟需時較緩。壩頂有關帝廟。乾隆初年陳氏開荒所建。道光二十九年立碑。聞未開荒時。多黃毛鹿。近漸少。壩產藥品甚富。而黨參最優。質厚於潞。壩陰綿長數里。皆森林。係橡樹。樺樹。及明開夜合。卽熱河做檯面者。老鴉眼。木理亦堅細。惟不甚大。等類。

駱駝山子。戶口三十家。分居附近。旅店一家。約可住馬兵三隊。駱駝山之東山一帶。森林綿長數里。

新店商舖祇一家。而貿易權較大。成本五萬餘金。出錢票。名曰歉帖。較現錢差強。自百文至五十吊不等。通行山溝上下。約二百里。若燒溝當舖之歉帖。則熱河以達赤峯。均可流行。該舖賣雜貨。兼收糧食。春間賒買於庄農。以八月爲限。農人卽以雜糧抵償。若逾

限不還。則須加利。亦山溝通例也。

平色自壩底以南。則隨熱河。銀每兩三吊七百文。過壩則隨赤峯（謂之赤平）每兩三吊八百文。錢串尙無大異。斗口壩南與七家等。過壩則以碗計。每斗五十五碗半。青鹽由烏丹赤峯運來。每斤一百六十文。（每百斤風五斤。以價販戶。鹽稅在內。蒙人有以物易鹽者）

氣候壩南與熱河等。壩北寒於熱河。四月始播種。歲收黍麥。每畝五斗許。新開地。玲瓏麥可收一石。（斗量容積。大於熱河三倍）工價歲以十個月計。自五十吊至三十吊不等。如遇農忙。日給三百文。至百文。若種煙土。工價尤鉅。日值三百文。至五百文。（因種土獲利甚豐。畝可得漿百兩許）

牛價三年前尙賤。近因販戶孔多。每頭百餘吊。至二百餘吊不等。雖至小之犢。尙需六十餘吊。馬價每匹六七十兩。騾價每匹百吊左右。均視赤峯爲比例。皮毛運至熱河赤峯二處。售銷骨角。不知用法。僅供塞田之肥料。

蒙地開荒。除繳價外。例有牌費。過戶（如甲戶過乙戶）則有換牌費。燒炭須領牌。有領

東蒙游紀

牌費。以四個月爲限。若逾限仍燒。則有換牌費。（私燒則罰）木植雖有業戶砍伐。每車納稅。大車二百文。（以六套車爲度）小車百文。若民間買賣。則有幫買名目。如牙僧（買戶賣戶各出百分之五爲酬）集場則有集頭。亦視商埠盈虧爲利數。

初二日晨六點半。由新店起程。東北行。三里至水泉溝。（路左側通梅倫溝。內路通西園場）二里至旺業店。六里至窪子店。二里至金家店。（右側南烏拉蘇溝。小道通朝陽）四里至黃土梁。六里至三喇嘛店。二里至北烏拉蘇溝。（內路通西園場）五里至五家。（左側艾奇嗎溝）五里至兩家。十里至黑山溝。八里至上瓦房。四里至大西溝。六里抵喀喇沁王府。共行六十三里。時一點半。廬西大廟。

旺業店戶口五十家。（蒙漢參半。分居附近）商舖八家。旅店二家。集場一六三八期。行銷貨以粗布斜紋爲大宗。由赤峯運至集場。分銷各鄉。平色赤平。每兩大於熱河六厘。銀價每兩二吊九百文。銅元每元十二文。錢串二路私錢。青鹽每斤一百四十文。斗口八十碗。合清斛四斗。

上瓦房戶口三十家。商舖一家。旅店二家。集場四九期。平色錢串。均同旺業店。銀價至王

府每兩二吊八百文。自黑山溝至上瓦房一帶。森林綿延七八里。

喀喇沁王府。南拉齊山。北大頭山。府西里許。爲西大廟。舊有喇嘛五百餘名。近存百餘名。府內有毓正女學堂。府右有崇正小學堂。距府八里許。有守正武備學堂。

府左側有商舖三家。內三義洋行。爲王府資本。餘皆喇嘛資本。錢帖以喀喇沁赤峯二處之帖爲清帖。作十成行用。其平泉東川八里罕梁捕府等處之帖爲毛帖。行至喀喇沁。均按七八成行用。青鹽每斤百二十文。斗口百碗。合清斛五斗。約高粱八十斤。小米九十斤。

土產。以糧食爲大宗。穀屬有高粱蕎麥小麥黃白黍等可食。伏麥大麥東麥用以釀酒。苦蕎祇喂牲畜。豆有元豆合豆芸豆青豆長豆小豆蠶豆之類。蔬屬有芥花菠菜。惟蕨菜爲特別品。歲貢內廷。果屬有桃杏海棠果紅果。若鶯粟子蘇子均可作油。前川（卽西北河）後川（卽大羊羣小羊羣）歲出羊毛二三萬斤。皮萬餘斤。皆銷天津。藥屬以黃鹿茸爲無上品。勝於圍場草地之青毛鹿。歲銷百餘架。價值有貴至四百兩者。熊胆出數甚稀。餘草本藥亦多。與以上各處同。

內蒙古東部調查日記

嘉定馮誠求著

東蒙游紀四 自喀喇沁府至赤峯

四月十八日十點鐘由喀喇沁王府起程向東北行。二里至大營子。六里至下瓦房。七里至楊樹林。自下瓦房至楊樹林多楊榆林約八里。五里至台子。七里至下四十家子。五里至橋頭。有浮橋一座跨喀齊溝。五里至灣子。八里至西公里府。有喇嘛廟。五里至大公府。進公府街午餐。共行五十里。時二點鐘。

下瓦房戶口約四五十家。商號三家。旅店大二家。小七家。皆漢民。街外有蒙人。公府共三處。有大公府。小公府。公主府。等稱。有團練局一所。喇嘛廟一所。舊有喇嘛五百名。戶口二百餘家。商號十餘家。旅店一家。燒鍋當舖各一家。集場二七期。平色赤平。通行松江高足等銀。銀價每兩津錢二吊九百六十文。錢串九八二混毛錢。斗口八十碗。清斛四斗較細糧。用七十三碗。粗糧八十碗。青鹽由赤峯運來。每斗七十三碗。計重一百零五斤。每斤津錢一百二十文。輸納平赤等處捐項。斗一千文。土產雜糧皮毛。兼產藥材。

東蒙游紀

午三點半鐘由公府街起程。五里至小公府。即林貝子府。五里至牛溝頭門。有磚窰。西北通小牛羣鄉。有煤鐵。行運至木匠營子。每千斤價十四吊。五里至三家店。五里至灣子。二里至高岡。三里至木匠營子。共行二十五里。時五點半。宿雜貨舖。

木匠營子屬平泉州之小牛羣鄉。商號三家。旅店五家。集場三八期。銀色視赤平。每兩三吊。斗口百碗。公議斗八十碗。蓋商人出入。差十分之二。俗稱出九進十。青鹽每斤一百十二文。高粱每斗一吊六百文。小米二吊四百文。黃豆二吊二百文。甜蕎一吊六百文。小麥每担三十吊。燒酒每斤二百四十文。麻油每斤二百五十六文。乾粉每斤二百四十文。白麵每斤八十文。

蒙地以二百四十步爲一畝。平地歲收二斗半。山坡一斗。或半斗。蒙租納以錢計。每畝自二百至百二十文。如以本色計。每頃一石二斗。山坡減半。尙有小差費。即領催費。視家道之肥瘠爲輕重。每畝自百餘文至十餘文不等。尙有收白麵租者。係喇嘛之收租。畝收五斤。每斤作五十文。

工價歲以十個月計。值四十吊。短工二百文。貴至六百文。牛價大百餘吊。小五六十吊。馬